



4170
PB-127
3487

Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11-05-43190-52/19
Sarajevo, 24.12.2019. godine

SKUPŠTINA KANTONA SARAJEVO
n/r Vibor Handžić, zamjenik predsjedavajućeg Skupštine Kantona Sarajevo
-ovdje-

Predmet: Odgovor na zastupničko pitanje – dostavlja se –

Poštovani,

Zastupnik Vedran Jakupović na 16. Radnoj sjednici Skupštine Kantona Sarajevo, održanoj dana 11.12.2019.godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo postavio je sljedeće zastupničko pitanje:

- **Po kojim kriterijima Ministarstvo daje glas za direktora Srednjih škola ili koje su to reference koje po mišljenju ministrice treba da posjeduje osoba kojoj Ministarstvo daje glas?**

Odgovor:

Procedura izbora direktora u srednjim školama Kantona Sarajevo provodi Školski odbor u skladu sa odredbom člana 143. stav (2) Zakona o srednjem obrazovanju („Službene novine Kantona Sarajevo“, br. 23/17 i 30/19), Pravilnikom o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18).

Ministarstvo nije nadležno da daje glas za direktora srednjih škola iz razloga što nije propisana kao nadležnost Ministarstva.

Član 8. stav (11) Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“, broj: 46/18), propisao je da o utvrđenoj rang listi izbora direktora srednjih škola, članovi školskog odbora su dužni upoznati strukture iz kojih kojih su izabrani. Naprijed navedeno ne daje mogućnost da Ministarstvo daje glas nekom od kandidata na konkursu za izbor direktora u srednjim školama.

Nakon provedene procedure, potrebno je da predsjednik školskog odbora u srednjoj školi kao javnoj ustanovi-predstavnik Ministarstva i član školskog odbora u srednjoj školi čiji je osnivač vjerska zajednica-predstavnik Ministarstva, informiraju Ministarstvo u vezi sa kompletnom



web: <http://mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1



predmetnom problematikom. Dakle, dužni su upoznati Ministarstvo sa provedenom procedurom, te dostaviti osnovne informacije o kandidatima za direktora srednje škole.

Naša namjera je da bude izabran najkvalitetniji i najbolji kandidat na poziciju direktora srednje škole, koji će čuvati dignitet ustanove koju predstavlja

Član 9. stav (1) Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18), propisao je da školski odbor glasanjem donosi odluku o izboru najbolje rangiranog kandidata za imenovanje direktora škole, nadpolovičnom većinom (tri) člana ukupnog broja članova školskog odbora.

Član 5. stav (1) Pravilnika o izboru, kriterijima za izbor, nadležnostima i radu direktora srednjih škola („Službene novine Kantona Sarajevo“ broj: 46/18), propisao je kriterije za izbor direktora škole kao javne ustanove na osnovu koje školski odbor na intervju vrši ocjenjivanje kandidata, tako da mišljenje ministrice u ovom slučaju po pitanju referenci koje kandidat treba da posjeduje predstavljalo bi subjektivno mišljenje koje se ne može cijeniti pri izboru kandidata za direktora sve dok je navedeni Pravilnik na snazi.

Ministarstvo za obrazovanje, nauku i mlade Kantona Sarajevo će inicirati izmjenu Pravilnika za izbor direktora nakon što se donesu Izmjene ili dopune Zakona o srednjem obrazovanju ili novi Zakon o srednjem obrazovanju u Kantonu Sarajevu.

S poštovanjem,

Dostavljeno:

1. Naslovu,
2. A/a.



web: <http://mon.ks.gov.ba>
e-mail: mon@mon.ks.gov.ba;
Tel: + 387 (0) 33 562-128,
Fax: + 387 (0) 33 562-218
Sarajevo, Reisa Džemaludina Čauševića 1

